

繡餘續草卷三

國朝
卷三
繡餘續草

天
佩珊

月英夫人舟過申江諸女伴凝妝以待雲軒
之降久之芳信杳然知歸心甚切獨不念
微茫烟樹中有人倚樓凝望耶猶幸明珠
雛鳳雙降草堂舉止周詳風神秀逸雖未
把臂而瑤英風度想見一斑矣率成斷句
三章以誌景仰

畱仙不住轉生愁
望斷行雲古渡頭
怪殺春申潮
繡餘續草

卷三

一

信促匆匆催放玉人舟

瓊樹纖纖秀出行
逢人揖讓禮周詳
掌珠別擅天然
貌約畧風神似阿娘

鐙前相與計歸程
吹到仙雲恰二更
料得東坡老
居士鑪添獸炭候門迎

書信尾寄外吳門

一點鐙光照影微
愁多減盡舊腰圍
病原可療難
求藥寒不能勝尚
典衣夢裏也知身
是幻鏡中頓
覺貌全非
無聊暗把金錢卜
只望征人得意歸

碌碌憐君又自憐，牽蘿辛苦逼殘年。生原少福難
求佛，命本如雲敢咎天。燕已去巢情尚戀，珠雖辭
掌夢仍牽。挑鐙手錄傷心句，冷到薰籠猶未眠。

夜雨和餘瀾堦韻

傾耳不成寐，空堦漸作霖。聲繁催短夢，寒重壓香
衾。氣偏鐙無燄，風翻柝欲沉。寸心淒絕處，衰病共
愁深。

隨風時斷續，亂捲入林喧。滅燭來山鬼，哀吟和嶺
猿。抱愁拋蝶夢，覓句返梅魂。待到晴明日，來尋紅
繡餘。續草

卷三

杏村

殘春聽雨和韻

夜靜虛廊人語幽，瀟瀟風雨下重樓。香消粉褪紅
成陣，只有東皇不解愁。

復軒將攜家往吳門古愚雲廣奕山餞別李

氏吾園有賦

驪歌一曲集芳園，竹塢禽喧客到門。酒爲送春須
痛飲，花因惜別也消魂。三生文字緣還淺，一霎山
林日易昏。多感竿求交誼好，題詩記取雪泥痕。

寄卷勺園劉瑞圃居士

自別仙源悵隔塵記曾親訪綠楊津才名浪得真
慚我青眼如君有幾人香徑行來俱入畫殘篇讀
罷暗傷神生平舊詠嗟零落珍重搜羅玉案陳
家貧憐我病膏肓參朮殷勤遠寄將終古青雲才
子誼從來幽谷美人鄉花明繡幕懷仙侶月滿瓊
樓夢謝娘衰病逢秋眠更少吟聲時答漏聲長

寄陳雲伯明府

雲水渺無邊銜寒夜放船斗山遲一面文字感前
繡餘續草

卷三

三

緣人靜潮生浦風高雁叫烟今宵蓬底客詩夢繞
江天

贈壯烈伯浙江提督李忠毅公輓詩

礮石聲連哀慟聲西風一夕將星傾天邊刁斗音
俄斷海上荏蒲膽尙驚報 國身常先士卒裹屍
志已遂平生知公一事添惆悵瞑目猶餘戀 闕

情

功業應同馬伏波一時將士感恩多短衣射虎朝
馳馬赤手屠鯨夜渡河鍬甲經年蓬鬢粹風旂千

里陣雲摩劔歌指日膚功奏大樹飄零喚奈何
敢圖麟閣姓名畱養士儲糧爲國謀一點孤忠
昭白日半生壯志托浮漚重泉讀詔魂應斷邊
塞聞風淚盡流臣節重勞宸翰紀不煩史筆載
勲猷

崇祠合與岳于鄰鼎足千秋廟貌新肅穆衣冠猶
似昨從容籌筆早如神但教遺畧能除寇何必成
功定及身盡瘁久忘家室計子孫偏得沐深仁

贈陳古愚姻丈

繡餘續草

卷三

四

征途念風雪珍重尺書裁愧我無新句如君最愛
才病中攜藥到遠道寄詩來消受難爲報惟餘感
極哀

天涯逢歲暮客子感何如落葉和愁積西風埽病
除徐娘傳錦字霸子讀藏書處士家風好梅花繞
故廬

小寓吳門連朝陰雨占此自嘲

待去偏教作小畱連朝雨腳不曾休涼生虛幌催
殘夢冷滴空階助旅愁天氣乍寒還乍暖風光疑

夏復疑秋金閨自古繁華地黯淡人來未許游

晚眺

春衫新換怯微涼庭院深沈又夕陽樹底殘紅餘
幾點天邊歸鳥不成行偶隨飛絮來吳苑何處營
巢覓畫梁昨夜雨聲敲夢碎去畱心跡兩茫茫

贈宋浣香世嫂

尙書紅杏久傳聞閨閣憐才又見君不羨謝娘風
絮句吐辭清麗總成文

幾載相思隔遠天相逢雙拜總帷前萱親早世慈
繡餘續草

卷三

五

姑沒同調憐卿又自憐

曉枕

曉枕聞雞候尋思事事灰乾坤原是寄身世有餘
哀對酒睂成結看花眼倦開病魔偏戀戀小出又
隨來

次張掖垣太史見贈韻

張名星煥湖南
人庚辰庶吉士

旅館無聊午睡起一片清光射眸子云是文通筆
底花出水亭亭炫其美天生賦手整且工才人豈
必終奇窮干將無須費磨洗寶氣突出塵埃中鬼

斧神工巧相競落筆興酣製新咏杜詩驅鬼豈浪
傳陳檄從來可療病先生家本湘水濱美人香草
疑前身遨遊四海不得意看花未免愁青韋傳經
絳帳懸蘇臺五花雲采時飛來眼前有圍解不得
當時道韞徒稱才扶病吟成懶拈管乞得靈飛仙
露盥何意鴻文取次投頓教塵壁珠璣滿傾蓋天
涯便訂盟照人肝膽生光明酒腸較似詩腸窄怪
底襟懷水樣清

題徐節母周夫人傳後

雪廬孝廉
尊慈也

繡餘續草

卷三

六

獨抱松筠操青青耐歲寒殘膏勤夜課冥鏹換晨
餐公子經綸富慈親菽水歡一身支兩姓婦德古
來難

旅窗

月落紗窗午夢殘鐙挑旅館夜湯湯怕人提著心
頭事清淚畱將枕上彈
十分憔悴苦吟身刻翠裁紅過一春世上功名無
我分芸窗也受墨磨人

答道華夫人

愁看隴首亂雲飛，感舊懷人淚濺衣。祇恐青山笑
漂泊，故鄉雖好未能歸。

題桐陰展卷圖

點筆桐陰思悄然，秋光如水句如仙。茶從瀑布聲
中沸，日向蒼松頂上圓。避俗可無書遣日，種花還
取菊延年。山中老鶴饒清福，永結逍遙泉石緣。

讀聽雲山館詩集題後

月如潑水夢成烟，聽到雲璈輒廢眠。胷次天機眞
洒落，毫端至性最纏綿。消魂杖履千山隔，得意聲
繡餘續草

卷三

七

華萬口傳知否，故園鐙影裏有人珍。重諷新篇

潘榕皋先生惠並蒂蘭賦謝

靈風仙露董帷栽，花效文心四照開。移供綠窗香
入夢，夢中親見二妃來。

青琴二疊感知音，入室還存處谷心。底用湘皋等
舊夢，滿身香露繞花吟。

葑山舟次有作

一洗愁千斛，來登青翰舟。江空星欲墜，水濶岸疑
浮。遠火微明浦，清風早作秋。徘徊葑山月，良夜正

悠悠

葑山道中呈簡田先生

雲水叢中樂有餘，世間煩惱盡消除。天低螢亂星
光密，岸斷人隨燈影踈。客踞船唇聞笑語，風回水
面襲襟裾。先生分與清閒福，竟把深愁當草鋤。
月落空江曉色分，閒愁枕上又紛紛。從公且放花
中樂，顧我何殊水面雲。病胃好憑清露盥，詩腸要
借白荷薰。勝游幸接神仙侶，沙鷺汀鷗也作羣。

葑山觀荷絕句十首

繡餘續草

卷三

八

水邊翡翠語啾啾，雲氣微茫露未收。人爲看花侵
曉起，碧波如鏡照梳頭。
雪作肌膚臉暈霞，冰壺照影綠鬟遮。不須更訪支
機石，快睹天孫錦上花。
廿里紅霞不斷頭，風光殘夏已先秋。雲深水濶香
成海，定有仙人來往游。
路轉帆回又夕陽，臨風頓覺苧衣涼。分明人在瑯
璃國，四面山光接水光。

沿堤紅蓼接青蕪，垂柳陰中看浴鳧。寫景苦無摩

詰管篷窗隨意補新圖

雲烘霞襯翠斑斑螺髻新梳態靜閒爭采芙蓉涉
秋水更無人看兩湖山

紅塵隔斷水雲寬翠袖能生六月寒悵葦深花
間阻美人終是隔簾看

風回波面替花涼淺白深紅浴後妝十里陂塘香
不斷賺他水鳥往來忙

落日扁舟小住時篷窗分韻賦新詩晴波光射霞
千點筆鈍翻嫌境太奇

繡餘續草

卷三

九

莫釐縹緲兩爭雄難得湖山載酒同三日清游忘
不得幾時重泛水晶宮

客中遣興

此心如月挂天邊愁似浮雲夢似烟善病每憑經
作懺多生幸與佛爲緣纏綿藕緒終難盡辛苦蓮
房却倒懸極欲相將賦歸去還山苦乏買舟錢
蘭徑風清月白時國香零落有誰知向人竹訴平
生事脫口吟成自在詩舊夢如雲容易散流光似
水詎能追蕭疎性合居空谷懶向紅塵寄一枝

涉園雜詠

空桑三宿佛難捐回首鴻泥總黯然睡起曉窗無
氣力綠楊影裏聽秋蟬

畱得華嚴劫後身園林小住亦前因山靈相見應
相識魚鳥爭迎前度人

低遮畫閣拂銀塘帶雨梳風倚夕陽閱遍芳堤千
萬樹最風流要數垂楊

叢篁掩映翠森森水榭雲房耐細尋泉石太幽風
露重秋心病骨兩難禁

繡餘續草

卷三

十

風聲漸緊鳥飛回塘外輕雷隱隱催萬綠乍搖千
葉響雲頭明滅雨初來

祇覺清遊興太孤數帆閣外片帆無天教一洗窮
愁境來看湖山潑墨圖

漁舟篔簹棹歌回湖面烟消霽色來恰似美人新
沐後眉痕淡埽鏡初開

玲瓏怪石枕虬枝書帶堂前翠靄滋可惜小山多
桂樹我來偏不及花時

新涼

涼意孤雲覺秋心老樹知露深蟲警候風定月明
時故國魂長往高樓夢不離浮生多感慨中夜起
裁詩

數帆閣晚眺

濃蔭當窗萬綠環流連清景不知還高樓風月真
無價一面湖光一面山

涉園早起聞桂香喜而有作

一枕新涼曉夢回天風吹送妙香來嫦娥也是多
情甚丹桂先支一月開

繡餘續草

卷三

十一

和尤春帆舍人游涉園韻

歸心漸逐暮雲收如此溪山却倦游詩要求工難
著手境因太好也回眸凌波斗覺身如寄對鏡無
端淚欲流老樹風聲連雨壯暮天帆影捲烟浮竹
緣性直終存節蟬爲吟多最感秋詞客欵門還掃
徑月華照水強登樓吟情縹緲愁風偏露氣淒涼
怕景幽憶訪同儕過畫閣每扶衰病上蘭舟去留
難準應輸燕晴雨無常試聽鳩陳跡有情偏結夢
行期太迫又添愁吾生祇合長休矣勝地能容再

至不天似見憐花早放人逢同調句爭畱欲賡險
韻思先澁待賦悲懷腕太柔九畹清芬原自遠一
篇白雪詎能酬已甘荆布仍無托不戴南冠也似
囚塵世悲歡終是幻晶簾且玩月如鈎

己巳中秋客居吳下次月滿樓了卯中秋家

晏韻

一樣銀蟾幾樣光最難骨肉聚家鄉思親頻見三
更夢憶女新添兩鬢霜丹桂枝頭香正烈廣寒宮
裏夜方長今宵暫忍牛衣淚笑說齊眉一舉觴

繡餘續草

卷三

十一

雪中用尤文簡公集中入春半月未見梅花

詩韻

雪壓山阿水凍池暗香消息帶南枝韶華半月虛
拋卻春色三分未許支漠漠嶺雲添悵望珊瑚瓊
佩訝來遲返魂賴有何郎筆獨對空林細咏詩
人行曲岸鶴窺池未破東風第一枝幾度巡檐空
索笑相思見月已難支湘臯帝子臨妝晚洛浦明
珠墮掌遲昨夜茅茨風雪緊紙窗無伴獨吟詩
薄薄春冰淺淺池忍寒獨探竹邊枝品居最上何

嫌晚骨縱禁寒也不支尋徧空山人小困踏殘明
月鶴歸遲隴頭流水相思意收拾愁心付小詩
闌干六曲俯清池寒雀啾啾踏凍枝傍嶺村猶愁
偃蹇看花人亦強撐支十分香韻因誰斂一樣春
光怪底遲畱得歲寒心跡在與君把酒共敲詩

題查查客先生把酒問青天圖卽次其韻

大聰明帶幾分癡翹首青天笑問之萬古長懸雲
外月百年不竭手中卮霓裳曲好憑欄聽玉宇寒
多繫夢思一種曠懷誰會得風流坡老最相知

繡餘續草

卷三

三

癖愛風騷也筭癡如斯清景偶逢之胸羅珠斗瞳
如鏡酒瀉銀河月當卮一角欄杆成獨倚九天宮
闕最關思憑高人有凌雲想塵世紛紛那得知
青天無語白雲癡把酒還邀月共之陣陣天香清
拂袂娟娟玉露暗添卮幾多獨立蒼茫感不盡凌
虛縹渺思夜半興酣歌水調調高祇恐少人知
有情異代笑同癡事隔千秋心印之試問何年栽
桂樹幾時生月侑瓊卮人間寒暑從教換天上春
秋卻費思十二玉樓消息近置身高處定應知

夜坐

烏啼鐘動助人愁感昔傷今易白頭此日苦吟還
自累他年遺稟定誰收黃花瘦極香應淡蠟炬灰
時淚尙流惆悵三吳好山水更無情緒豁雙眸

周聽雲先生塞上書回知

儀

前寄詩札晉將

軍見之歎賞命付裝池自維下里巴音得
流傳萬里之外且邀鉅公識拔自幸抑自

愧矣口占一絕

黃沙漠漠路途長辛苦傳書雁帶霜聽說將軍馳

繡餘續草

卷三

十四

翰墨蕪詞傳唱到遐荒

坐鎮西陲洗甲兵風高虎帳月三更誰知一曲清

商調吹入軍門鼓角聲

題梵福樓所藏柳如是畫像

絳雲樓閣久成薪萬卷藏書委劫塵惟有玉人魂
不化皮圖重現去來身

俠骨清才窈窕孃如花標格繡心腸尙書不死緣

卿戀此意還須畧諒郎

美人情重抵兼金玉碎先存報主心汗簡有名才

筭壽還將一死答知音

初白風流現後身河東姓氏又重新畫圖珍重藏
金屋異代憐才要有人

奉頌慶蕉園方伯泛月理琴圖

和平琴德本天然作楫應須涉大川夜半調高催
月上蛟龍來迂使君船

政餘養性愛攜琴天外青峯亦賞音最喜恩波徧
南國一輪卿月照江心

破浪真乘萬里風抱琴彈向水晶宮使君心迹明

繡餘續草

卷三

五

於鏡合在澄波皓月中

持節人來感昔年甘棠手澤尙依然一琴慣和

南薰曲三世黃扉相業傳

秋夜感懷寄外

驚心風木痛何如親薦蘋繁婦職疎一第未能酌
厚望廿年猶自守遺書孤雲應悔輕離岫海燕還
憐久寄居客館有人同不寐高梧葉落報秋初

憶外

十二瓊樓壁月澂懷君獨夜畫欄凭得依鴻案原

眞樂同臥牛衣愧未能此日三吳分課讀當時雙
管共挑燈賃春執爨慙賢婦未免從人乞斗升

題羣芳呈瑞圖爲張丈作

卷中羣卉係
女公子合作

漫誇咏絮謝家才紅紫紛紛筆底開添得阿翁詩
界澗一羣天女散花來

一枝花當一籌添姊妹承歡樂事兼淡點胭脂濃
傅粉十分春色在毫尖

月夜貽汪小韞夫人

金鑪沈水夜深焚仰視青天無片雲消到花魂餘

繡餘續草

卷三

七

一縷照來人影瘦三分飄蓬身世君憐我多病心
情我憶君執手匆匆纔數語暮霞殘照又離羣

奉題韓桂舫中丞種梅圖卽次元韻

且攜雅嘴種梅花莫認孤山處士家龍節虎符新
宦蹟凍雲晴雪舊生涯

且攜雅嘴種梅花管領春光總不差嘗到和羹滋
味美摘將青子笑呼娃

且攜雅嘴種梅花桃李紛紛未放芽一片冷香清
到骨翻將雪海洗塵沙

且攜雅嘴種梅花萬玉叢中聚一家脩到幾生仙
福好山靈看見也嗟呀

且攜雅嘴種梅花幾疊青山水一涯仙侶同心雙
種玉笑他兒女種胡麻

且攜雅嘴種梅花借寇人多歸願賒鏡石心腸愛
冰雪廣平詞筆世爭誇

殘臘見雪

殘臘始見雪數點飄橫斜須臾厚盈寸壓滿梅槎
枒錯疑風信早未春先作花冰霜凜冽中浩蕩春
繡餘續草

卷三

七

無涯

薄陰猶釀雪日暮還添衣病人常苦寒凍雀常苦
飢煩憂逼短景積思如亂絲鯉魚僵不起江上尺
書稀

寒鐙沒無燄紅鑪火力微清光偏戶牖夜氣侵簾
幃誰家盛歡晏歌舞中宵嬉念彼遠行客歲晚嗟
無衣

薄雲不漏日雪意方徘徊小園偶屬目千樹梨花
開隔離人煮茗一童持帚來清景良足惜隱憂不

能裁

西風

西風撼樹亂鴉翻冷印中庭月一丸枯管吟餘知
夜永敝裘典盡怕秋寒夢防成識關心記書隔多
年著意看檢點輕裝楓落後故園歸去暫盤桓

九日憶吉雲

重九無風雨登高及令辰感時還憶舊懷古獨傷
神酒待白衣餉萸簪青髻新黃花情太薄送盡看
花人

繡餘續草

卷三

六

送秋和韻

淒清况味逼中年縱不傷離亦黯然看到霜花魂
易斷照來絲髻鏡相憐滿庭黃葉辭殘夜一縷商
聲曳遠天轉眼送春秋又去陌頭還憶柳吹綿

怕聽騷客訴三生景太蕭條賦不成清角驚殘香
閣夢西風吹老玉關情迎來一片寒潮急送過千
山暮靄橫剩有秋心灰不盡又從紙上起秋聲

顛楚中熊兩溟進士鵠山小隱詩集

一卷琳瑯咏千秋屈宋心曠懷凌太古逸調發元

音久仰天門峻初窺學海深欲窮微妙旨鎮日對
花吟

新詩憑雁足流韻滿江南妙句風行水清心月映
潭花封榮不慕苜蓿味原甘想見談經座蕭然老
學庵

顯顧劍峯廣文寸心樓詩集

清詩語語性情流慧業從知夙世脩想見心花隨
意放古香吹滿讀書樓

懷鉛終歲客他鄉收拾江山貯錦囊猶有如虹豪

繡餘續草

卷三

九

氣在林頭雄劍吐光芒

高唱新傳鸚鵡洲辭家王粲獨登樓武昌楊柳吳
宮月望遠應牽兩地愁

狼藉青衫舊酒痕虎頭三絕至今存公卿倒屣爭
羅致肯放空山獨閉門

小韞夫人贈詩次韻

三復高山調中宵起夢思同心悵離阻歎息此良
時

浮世原難合微生感受知嗟彼獨活草願附喬松

枝

感君珍重意古調思翻新我有同心侶天生絕代人

幽棲次韻

天高雲氣薄林靜鳥聲譁花味如人澹詩情得酒
華溪光當檻照山影半樓遮向晚鈎簾坐微風燕
剪斜

坐久燈花落書堂寂不譁蕭閒親翰墨遲暮惜年
華兩髻新霜點雙眸薄霧遮長宵不成寐河漢又

繡餘續草

卷三

三

西斜

湘水吟紀夢

孤燈耿耿秋夜長夜夢恍惚游瀟湘眼中望見江
漠漠耳畔似聽聲湯湯白雲鬢鬢沒我足輕風飄
颻吹我裳南泛洞庭掬湘月一片空明沁人骨江
流九轉石不移中有忠魂抱石泣美人香草春蒼
茫嶺猿哀嘯鷓啼血天風浪浪清到心木華微暎
山櫛慘心情幽渺淒欲絕神兮恍降江之濤老蛟
怒吼翻水窟霹靂震空山欲裂疾風倒捲雪浪飛

城郭高低出復沒俄驚控鶴仙人來錢笛一聲山
水開三湘烟光如鏡澈九嶷山色橫江排青鸞白
鵝向空舞仙人招我登瑤臺瓊漿一飲傀儡盪盪還
挹湘水添金杯醉中不記身世事秋夢苦短雞聲
催雞聲催我萬慮起明滅殘燈照窗紙巴陵衡嶽
舊游蹤往事回頭卅年矣人世悲歡柰若何夢外
風浪知還多不堪重憶平生事搔首風前誦九歌

立秋日作

濛濛絲雨雲不開雲中隱隱聞輕雷井梧一葉下

繡餘續草

卷三

三

幽砌颼颼秋向林梢來秋魂一縷細于髮隨風飄
蕩往復回我抱秋心向秋訴枝頭遙答涼蟬語只
知秋氣助人悲茫茫未識秋來處秋風纔動生嫩
涼秋鐙耿耿懸清光別有秋情秋不管半宵清夢
落瀟湘

黃州孝烈靈妃廟碑書後

有吏有吏司運錢錢沈吏亦安求活長風捲浪水
拍天茫茫何處求骸骨伶俜弱女十六齡獨立江
頭淚流血呼天天高天不聞奮身一躍赴水窟水

窟蛟龍不敢吞化爲雲氣千秋存昭昭至性出巾
幘浩浩正氣彌乾坤野有專祠朝有封名垂孝烈
聲隆隆雲旗縹緲捲宿霧時有靈爽憑空山後啼
鶻泣湘竹裂洞庭落日生悲風秦代去今幾千載
古祠剝落精靈在吾翁竭來守此邦鳩工百日煥
新采路人憑弔鼻欲酸萬姓香烟浩如海弱弟同
時亦捨生一門雙孝並垂名至今湖上寒流急猶
似當年喚父聲

初秋用壁間韻

繡餘續草

卷三

三

荏苒韶華逝水流入秋景物倍清幽喜聞乾鵲喧
檐際怕聽哀蟬訴樹頭憶女二三十里外問年五
十四回周吳宮舊是傷心地殘照西風冷荻洲
星星螢火逗踈簾曲曲明蟾掛畫檐涼意三分生
枕角秋心一點到眉尖髻絲漸恐烏成白身世難
期苦盡甜得句閒書團扇上墨痕狼藉滿霜縑

呈潘榕皋先生

重陽前二日至三松堂適王綺思夫人來
先生命卽席賦詩爲贈儀素不習八法先

生偏譽以工書諸夫人兼爲磨墨伸紙爰
賦小詩二章以誌愧

鏡前驚見走龍蛇一代書名仰作家愧我夫曾磨
鏡覩絳帷人莫笑塗鴉

較他餓隸更酸寒琢句還愁字未安賺得墨痕霑
翠袖金閨親爲試螺丸

題李紉蘭夫人茶烟煮夢圖

蕉陰試茗拂吳縑小困無端筆懶拈詩向夢中尋
得好茶從睡起飲來甜風泉隔竹聲聲沸花氣和

繡餘續草

卷三

三

烟漸漸添生恐晚涼侵瘦骨更無人與下重簾
萍蹤聚散太匆匆別後相思有夢通我望彩雲懷
舊侶誰扶倩影出芳叢情牽遠水遙山外詩在輕
烟沒靄中一種怕愁耽睡意近來况味畧相同

歸舟寄小韞

數聲柔櫓促歸程兩岸丹楓解送迎萍本無根憐
我命水流不盡見君情

王渡阻風

咫尺家山路渺茫五年陳跡費思量孤舟一夜瀟

瀟雨青鏡明朝髻有霜

贈宜園張夢蘭夫人

年來常苦病愁侵
息羽空思返故林
白髮易添中
歲感黃金難買美
人心亭亭姿比秋
花瘦欸欸情
同江水深一種傷
心還自慰紅闈又
喜得知音

舟泊溇湖望月

獵獵西風刺骨寒
孤舟今夜泊江干
鑿開萬頃琉璃界
湧出一輪白玉盤
雲氣盪胸詩境潤
酒杯入手旅懷寬
淹留莫切窮途感
閱歷方知行路難

繡餘續草

卷三

十四

吳江舟阻

咫尺吳山入望遙
殘冬景物太蕭條
風高極浦冰還合
日上沿灘雪未消
稍有邨墟隔烟霧
絕無鷗鷺罷漁樵
不饑那畏晨炊斷
擁被長吟暮復朝

蒲髻出塞圖爲快亭郡博題

帝子憐才早受知
聲華奕奕塞垣馳
書生儘有平

戎畧寸管橫當百萬師

馬上征袍映日殷
長吟投筆出邊關
時平不用書
磨盾飽咬黃羊飽看山

角聲吹起玉關秋十萬貔貅夾道周但取風雲酬
壯志男兒何必定封侯

長城萬里落尊前快讀先生出塞篇認取當年瀟
爪跡萬山青擁一髯仙

當年絕塞請長纓虎帳諸王聽論兵今日絳帷風
雨夜時聞雄劍壁間鳴

記從草閣拜詩翁萬仞山頭又遇公知否寒閨驚
喜甚賞音人是英雄

前寓沈巷公借兩壻過訪
又曾見儀顯慶方伯瀟湘

一曲圖冊以爲
此歷卷作也

繡餘續草

卷三

五

顯趙承旨畫馬

神馬依然在王孫何所之千秋雷駿骨異代見英
姿珍抵兼金貴榮邀國士知壯心如未已風雨起
天池

老僕

熊秀

樸寔謹慎相隨五年能効奔走之

勞雖遠途亦無倦容今秋忽有懈意疑其
有去志未幾疾作奄然長逝爲之泣然僕
無親屬爲薄斂而瘞於葑門外酌之以酒

且系以詩

白頭漂泊計原差，念爾馳驅歷歲華。每爲効忠常
諱疾，漫言得主竟無家。勞能致病終歸死，酒可扶
衰且自賒。我過中年易根觸，詩成擲筆一長嗟。

雪中懷王玉芬夫人

五茸城畔悵離羣，幾度相思對暮雲。詩到消餘魂
一縷，愁來只欠死三分。情超蘇蕙璇機錦，才壓江
淹雜體文。昨夜茅齋風雪緊，紙窗無伴最思君。

每到良辰憶舊游，果然一日抵三秋。篋中紅豆雙

雙淚，句裏珍珠字字愁。憐我無家偏有累，如君於

繡餘續草

卷三

三

世更何求，中年哀樂應須節。莫放清霜點黑頭。

顯王女士靜好樓詩集

天與千秋業，人欽林下風。彩雲驚易散，仙樂聽難
終。格比梅花好，詞追柳絮工。三生遲一面，曇影太
匆匆。

滴盡思親淚，頻裁送遠書。生離猶未慣，死別更何
如。掛壁朱絃斷，投懷玉燕虛。紅閨諸姊妹，悵望各
唏噓。

堂北腸應斷，黃門髻欲絲。人尋當日夢，花發去年

枝醜酒都成淚開奩只剩詩幾時笙鶴返仙佩降
瑤池

殘臘偶吟

叢殘一卷手親刪燈火長宵歲序闌勝境當前從
我選遺編他日定誰刊愁無可解頻澆酒病漸成
真屢減餐撥盡銅鑪燒盡燭稜稜霜氣逼人寒

吳印芳夫人見招出示翠筠軒詩鈔賦贈

白雪傳高唱寒梅發古香清音洗凡耳哀痛結中
腸骨肉情緣淺艱辛次第嘗空幃三十載兩鬢點

繡餘續草

卷三

七

新霜

夙慧也前脩聰明鮑謝流神情原散朗性格最溫
柔名豈關天忌才偏與命雠一編纔到眼雙淚不
能收

老我筆先頽多君青眼開家風原愛士閨閣亦憐
才珍重聯新侶殷勤勸舉杯萍踪欣乍合臨去復
徘徊

聞蟬次駱丞韻

涼蟬聲嘒嘒曉枕客愁侵白露沾衣重青天抱葉

吟調高羣籟寂唱罷衆星沈元髯有時換清真獨
此心

咏馬次工部韻

桃花名字好玉勒錦裝成得意春風疾酬知性命
輕千金何足重一顧快平生超出塵沙外橫空自
在行

秋山

十分娟淨暴朝陽閱過繁華漸老蒼世外高撐名
士骨鏡中沒寫美人妝霜消皎皎林如立雨洗稜
繡餘續草

卷三

美

稜玉有光我欲憑高挹清爽碧芙蓉頂任徜徉

秋水

遠接寥天月有聲盪胸洗眼太空明望中脈脈渾
無語掬處盈盈最有情傾國回眸畱一顧太阿出
匣門雙清文章妙處原無跡只許南華署卷名

秋蟲

一觸繁音便感秋秋銜如豆夜悠悠霜濃廢子頻
驚客月冷空庭漸逼樓伴我無聊中夜讀爲人添
到十分愁影斜河漢天將曉爾已吟殘我未休

秋花

小院黃昏月正華
寒香和影上窗紗
劇憐詩亦清于水
不信人還瘦
過花淡淡霜容畱
獨賞舒粉繁
豔莫輕加生來傲骨
峻嶒甚合種柴桑處士家

秋窗

小院西風緊
冷冷透碧紗
露華涼似水
人影瘦於花
新雁一聲落
殘鎗半扇遮
金釵挑燼罷
坐看月痕斜

秋圃

繡餘續草

卷三

无

雨過苔痕滑
霜濃菜甲肥
幽花隨意放
瘦蝶趁晴飛
蒨菊臨清渚
牽蘿傍翠微
行行覓歸路
斜月半柴扉

秋野

極目郊原濶
真堪入畫圖
天光間晴雨
草色半榮枯
紅樹連村合
黃雲徧地鋪
稻粱生計足
童叟各相娛

秋濤

作勢橫空至
中宵捲月流
魚龍爭出沒
星漢共沈

浮倒影翻蛟室憑空結蜃樓錢王真有力一弩退
潮頭

秋鐘

打破繁華界同聽清淨音飄來紅寺遠響入白雲
深一杵醒塵夢千聲印佛心凌霜最超越萬籟總
銷沈

秋鈴

不是護花聲愁心暗裏驚閃窗鐙一點淋雨夜三
更旅館勞人聽霜橋羸馬行凄清別有調來和候
瀟徐續草

卷三

三

蟲鳴

示袁琴南壻

話舊燒殘燭幾條相看如夢黯魂消十年踪跡分
南北難得清尊共一宵

羨爾聲名早逸羣尙憐駿足滯風雲才多亦足爲
身累好把英華斂幾分

弱蘿宛轉附喬松大好門楣屬望隆萬里雲
穩步才能善用是英雄

有兒頗肖父聰明田硯須教付與耕記否傷心遺

跡在秋燈影裏讀書聲

泛舟秦淮

打槳新從湖上遊斜陽淡寫六朝秋借他一出秦
淮水浣盡風塵又浣愁

蘭橈無數掠波行幾樹垂楊管送迎水面琵琶樓
上笛不禁棖觸故鄉情

九曲紅欄十二樓湘簾多半上金鈎明妝翠袖知
無數不識何人是莫愁

秦淮風景類金閨畫意詩情費較量一樣湖山佳

繡餘續草

卷二

三

絕處淡妝畢竟勝濃妝

金尊檀板按紅牙指點前頭賣酒家爭度青溪新
譜曲更無人唱後庭花

水雲叢裏暫盤桓高樹鴉翻夕照殘可惜今宵無
月色湖山須向鏡中看

題淵如先生六十四歲小像

畫公宛似畫喬松秀鬣蒼髯倚碧穹此外不須多
著筆仙山樓閣在胸中

面日常隨詩境新披圖一笑見天真神龍天馬行

空憤不現全身現半身

題馬守眞畫蘭

國香零落委風塵
脂盞閒時硯匣親
莫訝繪來神活現
阿儂原是此花身

題薛素素畫蘭

風味應同九畹清
疎疎澹墨寄幽情
鏡臺一笑停湘管
寫到香心憶小名

遊棲霞六首

緣厓不見曉霞明
碧草茸茸繞澗生
從古仙蹤原

繡餘續草

卷三

三

是幻桃花如夢水無聲

桃花澗

天涯鴻爪偶畱痕
得到名山也宿根
底用身登千佛嶺
心頭時現佛千尊

千佛岩

仙掌分明瀉夜光
掬來難助美人妝
名山風月原無價
賴有珍珠萬斛量

珍珠泉

一葉清萍浪裏浮
紅塵碌碌怕回頭
著書只有名山好
卜宅無如此地幽

幽居寺

層嵐疊嶂翠參差
海立潮翻作勢危
識得山靈文字好
峯頭更比浪頭奇

疊浪崖

誰持玉斧白雲邊，劈破懸崖一朵蓮。如線清光來
眼底，兩峯罅處露青天。

天開崖

過莫愁湖顧莫愁小影次前人韻

江毫淡淡貌春痕，夢裏分明玉再溫。水月是空還
是色，鏡花畱影不畱根。名香永結生前契，小字頻
招湖上魂。我是萍蹤曾一顧，冷烟疎雨近黃昏。
驚鴻飛過偶畱痕，袖手頻將往事溫。對著青山摹
黛色，挽將碧水洗愁根。萬花影漾三生夢，雙燕愁
銜一縷魂。慧業人還歸淨業，鐘魚佛火伴晨昏。

繡餘續草

卷三

三

記取當年粉黛痕，金鑪誰爇瓣香溫。死超塵境歸
仙境，生種情根本。慧根半壁江山，王者氣一湖烟
月美人魂。臨風憑弔增惆悵，回首蒼茫暮靄昏。
一片愁痕化淚痕，千秋豔骨可能溫。好從淨土勤
脩果，莫向柔鄉再種根。筆妙自能傳倩影，花深何
處覓香魂。行人到此歸須早，莫待高樓月色昏。

劍峯先生贈詩次韻

百年鼎鼎夢中身，多少英雄困米薪。身世多愁還
作客，乾坤無恙又回春。朱絃覓我慚眞賞，青眼如

翁得幾人月滿垂虹爭載酒騷壇壁壘又重新
題清河夫人遺挂爲虛谷司馬作

彷彿書聲隔樹聽披圖驚見影亭亭星眸一黑明
於月照出千秋汗簡青

玉人慧業本天成萬卷叢中過一生讀到月高風
定後抽毫也要賦秋聲

涓涓白露下青桐小現曇花逐曉風惆悵佩環聲
漸遠吟魂猶在月明中

石琢堂先生賜示晚香樓詩集賦呈

繡餘續草

卷三

三

新詩三復夜窗幽妙諦應離色相求三逕秋容淡
如許晚香一瓣占千秋

擁書獨學味蕭閒分付奚童早閉關偶向百花頭
上放高情畢竟愛空山

書生毫氣亘長虹會掣風雲掌握中虎帳月高清
讌啟雄談一夕動元戎

經世文章劇老蒼手操椽筆擊天狼定知身以藤
蘿月清夢時時到玉堂

久已無書抵玉京水雲叢裏愛逃名東郊倚杖看

春稼猶自關心計雨晴

憔悴靈和柳一枝招魂逆旅有心知珠零錦碎三

千首鄭重丹黃手勘時

時方校刊船山太守詩集

吳宮花月絳帷春壇坵東南壁壘新庭下三千桃

李樹能傳衣鉢定何人

琉璃硯匣墨香浮小字簪花格更道傳得阿翁家

學好掃眉人亦占龍頭

公子敦夫善詩婦席夫人工書

機線才勞著意量簡端畱得夜珠光詩情敢詡清

於鷺公是丹山老鳳皇

繡餘續草

卷三

三

園林蕭散水雲寬福慧如斯脩到難桂子桐孫爭

繞藤花開富貴竹平安

次季湘娟同學見懷韻卻寄

湘娟琴川人同邑屈子謙室子

謙工書畫

早卒無子

仙山遙隔水中央蝶夢時過青粉牆詩到賞心吟

不厭人逢同調話偏長緘來密字珠成淚琢就連

城玉有光擬買扁舟乘暖浪論文重到讀書堂

良辰無那感離居花正芬芳柳正舒嗟我飄零終

已矣較卿憂患更何如文章不信能憎命慧業難

忘只有書他日瓊樓聯袂上廣寒宮闕本清虛

寓居葑溪隣家李花盛開感賦

瞥見隣牆玉貌嬌輕烟微雨過花朝東風似剪寒
猶峭疑是經寒雪未消

小立斜陽病起纔忍寒相對暫徘徊羅浮夢杳梨
雲散一樹琪花獨自開

蟠根只合五雲中卻向優曇悟色空斜日短垣歎
槁袂看他含笑倚東風

誰將仙露灌芳根雪樣柔條壓短垣惆悵年年孤

繡餘續草

卷三

姜

筓裏白頭人看最消魂

一片癡雲卷遠村輕寒惻惻近黃昏東風忽送廉
纖雨清淚微沾褪粉痕

春光如夢復如烟彈指花開又一年玉屑飄來香
影瘦陌頭待看柳吹棉

題北郭夜吟圖

輕寒剪剪漏遲遲北郭先生覓句時文字緣深難
作佛利名心沒只耽詩侯門陶子能勤學舉案鵲
妻善執炊助得幽人吟興好團圓月上最高枝

繡餘續草卷三終

繡餘續草

卷三

三



繡餘續草卷四

琴川歸懋儀佩珊

蠟梅

誰將花骨鑄黃金破蠟窗前伴瘦吟
我有牢愁不能吐與君相對話同心
檀心磬口沒鶯黃不學江妃時世妝
相對不禁珍惜甚一般清瘦歷冰霜

庚辰九日次三松老人韻

陽春一曲調偏高落帽風前氣自豪
入社又開新繡餘續草

卷四

壁壘爭山已換舊宮袍簪萸客至還
頤句送酒人來又餽糕愧我推敲吟未
穩蕭蕭短髻不勝搔縣車翰墨當生涯
安樂窩中歲月賒陶尹清尊酬令節魏
公晚圃放秋花蒼茫雲水遊蹤遠稠疊
詩篇寄興遐採得茱萸成薄醉一枝笑
挿帽簷斜

雨窗

擬將枯管寫牢騷目眩燈昏意憚勞
正苦欲眠不得西風一雁叫平皋
欲覓華胥一枕安幽懷應得暫時寬
昨宵夢醒追

前事觸起新愁又幾端

吳門寄懷淑齋師海上

陰晴易寒暑眠食近何如
海國涼生早吳江楓落
初消愁調小鳳遺興托
叢書更喜籬花放宮袍
捧綵輿

人生知己重閨閣賞音
難度出金針細量來玉尺
寬看花常富貴指竹頌
平安幸托喬松蔭相依共
歲寒

客中逢令節顧影且徘徊
畫閣三秋別黃花兩度
繡餘續草

卷四

二

開春風原浩蕩小草感
栽培夢裏尋鄉路時還拜
玉臺

代簡寄定庵居士吉雲夫人

公子金閨彥英年泛斗
槎豔才驚古佛妙想托蓮
花清極醒無寐愁來氣吐
霞衣冠偏質樸胸次絕
紛華

仙舟來往數幾度接清
塵蓬梗偏憐我春風每及
人襟懷原浩蕩設笑見
經綸此日名山業書成早
等身

舉案人如玉幽閒蘭蕙姿柔毫書繭紙織月寫蛾
眉善慰高堂意能將中饋持三生脩福慧雙毓鳳
麟兒

客中雨夜無寐寄小韞

又是吳江楓落天擁衾聽雨不成眠暮年作客原
非計末路求名亦可憐

外子猶復
俯首帖括

遙夜鄉心易悵

觸入秋衰病倍纏綿知卿亦抱幽憂疾終歲鼓殘
手自編

吳宮

繡餘續草

卷四

三

羅綺銷爲瓦礫叢鷓鴣聲裏霸圖空祇應惟有東
門日炯炯清光照故宮

又是梧宮葉落時興亡轉眼劇堪悲美人巧笑孤
臣泣試問君王屬意誰

七姬祠

七姬同志更同棲報主心難舉室齊指點當年埋
玉地一羣杜宇隔花啼

三高祠

沼吳廿載悵歸遲傲蹤功名笑脫時自愛五湖風

月好閒情端不屬蛾眉

京洛緇塵染素襟
尊香鱸美觸歸心
秋風落日推篷看
脫網魚遊江水深

門鴨欄邊放釣船
一生夢不到釣天
唱酬更有皮從事
收得茶租當酒錢

又咏范少伯

一棹扁舟泛五湖
黃金鑄相亦饑餬
烟蓑雨笠秋江上
誰識當年范大夫

梅

繡餘續草

卷四

四

冰綃新製五銖衣
倚竹娟娟瘦不肥
買到春光珠覺賤
照來香影月增輝
人行曲岸雙扉掩
雪霽深林一鶴歸
曾向孤山訪遺跡
前塵如夢是耶非
東風一夜度關津
瞥覩明粧照眼新
瘦影臨波添韻致
斜枝入畫最丰神
歲寒久盼傳芳信
道遠何由贈美人生
與此花同臭味
羅浮仙蝶或前身

蘭

香韻花中莫比倫
滋培風露幾經春
生從空谷原初志
偶植當門亦夙因
名重楚詞偏寫怨
祥徵姑

夢竟通神不言幽意無人會靜對湘波自寫真

竹

青鸞尾翠綠雲涼新粉飄殘實又芳直節早看凌
碧漢虛心偏是耐清霜堪爲伴侶惟松柏到此栖
遲只鳳凰最是好風良月夜半天幽韻憂宮商

菊

寒香幾陣撲窗紗開到陶家得意花秋士風神清
有骨伊人顏色玉無瑕能禁霜重枝偏瘦縱受風
多影不斜未必有心真傲世從來逸客遠紛華

繡餘續草

卷四

五

杏

閒關好鳥送佳音嫩日烘開色淺深十里豔迷遊
子騎一枝紅映美人襟青帘低拂霏香雨烏帽斜
簪醉上林幾度買花前巷過玉樓春睡尙沈沈

繡毬

丰姿原不受塵埋合掛玲瓏白玉釵拋去依然珠
在掌捧來渾似月投懷化工洗滌春風淨寶玉圓
明仙露揩素手舉來還一笑團團佳識贈同儕

白牡丹

冰綃初試玉肌涼小立芳叢夜有光不御鉛華眞
國色獨標高格是花王飛來瑤島春無跡舞到霓
裳月亦香卻笑江梅太清瘦替他姑射助新妝

春暮偶成

峭寒踈雨偏清明九十韶華幾日晴啼鴉聲中尋
舊夢落花風裏悟三生珠光一任融成水蜃氣從
他幻作城波面浮萍簾外絮輸他解脫去來輕

青鐙影裏獨長嗟景物交涼換歲華一種愁心抱
明月滿庭香雪葬梅花情天許補三生過法界難

繡餘續草

卷四

六

容一線差彈罷瑤琴魂欲斷白雲芳草思無涯

寄琴川季湘娟同學

渺渺相思寄綠波璇閨眠食近如何人當離別情
懷惡節近清明風雨多卿要達觀參水月我因衰
病戀巖阿榮枯一瞬尋常事贏得芳名永不磨

寄顯武昌小滄浪館四絕

小滄浪館勝蓬萊四面波光擁月來曲好不須愁
和寡高吟正對伯牙臺

青邱詩格匹梅花仙吏同乘湖上槎白裕烏紗塵

外賞一時騷唱靜無譁

筆床茶竈此句畱有客高吟獨倚樓坐擁青山圖
畫裏風流誰得似隨州

月湖風月四時新多少名流競問津吳苑滄浪荒
廢久臨流應待濯纓人

次杏垞顓小滄浪亭七律原韻

三千里路往仍還昨夜明明夢度關好景有緣容
我到浮生若夢幾人閒濯纓濯足樓前水宜笑宜
顰湖上山指點名流觴咏地萬重雲水屋中間

繡餘續草

卷四

七

從來名士半林邱終古神仙住十洲兩岸菰蒲雲
作障四圍烟水屋如舟月明鸞鶴齊聽曲風起蛟
龍欲上樓浮世紅塵飛不到一竿漁唱萬山幽

病中口占有贈

飄蓬茂苑久棲遲幾度秋風換髣絲歸棹急偏銜
暮雨還山病又過花時三生要證菩提果九死難
忘文字知難得萍蹤風裏聚草堂尊酒待論詩

定庵過訪談詩見贈次韻二律

翩翩公子過夷門雪比聰明玉比溫脩到優曇原

慧果種成仙杏本靈根水中見月曾無跡鏡裏看
花不著痕歸去草堂重煮茗歲寒心事共評論
風風雨雨掩重門香燼薰爐火不溫幻夢幾時登
覺岸多生未免種愁根刪除盡篋閒詩稿湔洗春
衫舊淚痕絮泊蓬飄成底事客中情緒不堪論

王烈女詩

覲面偏無比翼緣入門先受舅姑憐嚴霜一夕摧
連理斷送芳華十七年

澣卻麻衣血淚斑見人猶是掩羞顏羨他荆布田
繡餘續草

卷四

八

家女一死居然重泰山

題枝園感舊圖

淑齋師與其姪女錢夫人論
詩感舊夫人錢謝庵吏部室

也

枝園小葺傍蘇臺高臥東山別墅開爭羨謝庭多
樂事一門詠絮擅雙才

佳耦分曹著政聲看花先後到蓬瀛當時京洛聯
吟地閨閣爭傳二阮名

天香吹滿月輪圓話舊重聯骨肉緣最喜椿萱同
嬰鑠雙斟春酒祝長年

十年姑姪悵離羣宦迹眞同水面雲
話到鴻泥頓感觸論詩煮茗坐宵分

高年離合最關心想見揮毫寄意深
今日披圖倍惆悵數行遺墨重兼金

聯吟同坐散花天此會千秋豈偶然
悵我緣慳遲識面未曾雙拜繡帷前

讀七姬碑誌題後

美人至性自天成大義明時生死輕
試把瑤琴彈一曲條條都作斷腸聲

繡餘續草

卷四

九

觀局從知心早灰臨危何事變遲回
同心姊妹同時死底用檀奴著意催

顯再生緣傳奇

合歡花向筆端開雅調新翻出玉臺
世上良緣多缺陷補天煞費女媧才

緣淺緣深喚柰何愛河底事起驚波
鏡分鸞影終須合紅葉傳情事豈訛

手種三千桃李花蛾眉簪筆草黃麻
量來玉尺精嚴甚儘許檀奴拜絳紗

摘毫春殿擁仙班貌出觀音水月顏不是玉容沈
醉後肯教容易露機關
巾幘叢中第一流鬚眉合讓女班頭不貪富貴天
家樂到底關雎遂好逑
再生緣竟結今生好訂三生金石盟月自團團花
並蒂人間安得盡如卿

爲江韜庵明經顯蓮花小影

彼岸分明指回頭路不賒禪心證秋水寶相現蓮
花東海聊爲客西方別有家塵勞應念我碌碌送

繡餘續草

卷四

十

年華

三教原歸一名儒半佛門借花憑寫照觀月不畱
痕沒泊全天性文章本宿根浮雲多幻境萬古此
心存

顯明妃出塞圖

圖畫無端誤醜媒長門風雨長青苔翻因瀚海無
期別博得君王一顧來
獨抱琵琶出雁門馬頭斜月又黃昏玉顏拚爲風
沙悴未得承恩且報恩

不藏金屋走交河命薄緣慳喚奈何一點丹忱化
青塚美人從古熟腸多天孫不與西華負掛戚天
寒透豐貂馬不停玉顏光照塞山青琵琶聲裏如
霜月少个知音此際聽

秋花

花到秋花耐久看看花每怯越羅單半窗疎影蟲
聲冷一笛高樓月色寒香徑客來泥爪換西風簾
捲髻絲殘銀塘幾陣瀟瀟雨滴碎愁心入夢難

秋河

繡餘續草

卷四

七

一泓清淺衆星羅悵望遙空秋思多是處幾人來
問渡羨他終古不生波獨憐牛女經年別多事天
公設此河鵲駕未成仙鯉杳迢迢良夜柰愁何

頌畫

連朝細雨濕香泥紅鬧枝頭入望迷爲報玉樓人
未起翠禽休俯綺窗啼

七夕次閨友韻

銀河清淺不生波又送天孫夜渡河畢竟佳期天
上準人間良會易蹉跎

銀漢迢迢繡幄開
穿針煞費謝娘才
天孫已被聰明誤
肯向人間送巧來

歲暮訪怡園次壁間韵贈怡庵主人

飄蓬兩度值殘年
鴻爪還尋六載前
新婦惠貽機上錦
阿翁分贈杖頭錢
詩逢勅敵難成句
骨爲嚴寒屢聳肩
明歲準隨新燕到
相期同醉杏花天

用前韻贈玉芬夫人

相思歲歲復年年
半在花前半月前
前顧影尋詩誰作伴
療愁買醉不論錢
清虛洞府原無耦
辛苦藿繡餘續草
鹽獨自肩提糞
曉行深雪裏
冰心耐得峭寒天

卷四

七

石門道中

征途偷得幾朝閒
小艇夷猶雲水灣
生怕峭寒侵病骨
篷窗擁被看青山
密密編籬短築牆
野梅零落賸餘香
從知儉樸鄉風好
不種垂楊只種桑
落日平原野雀哀
江梅纔謝野棠開
森松松柏誰家墓
華表長畱鶴不來

天光雲影照人明
纔近西湖水便清
日日扁舟橋

下過橋多偏不記橋名
斷續茅茨傍水邊濛濛幾處起炊烟日斜湖上歸
來晚半啟柴門泊釣船

莫悵回風引棹遲天教細讀畫中詩雲籠峯頂成
奇態樹近溪坳多好枝

舟過海昌哭簡田先生

矯首人天路渺茫平生知己最難忘西風亦有半
曇淚今夜扁舟過海昌

紀夢

繡餘續草

卷四

三

寒食纔過零雨濛墓門蕭瑟起悲風夢中彷彿惹
顏喜袖得新詩上阿翁

題周夫人荷淨納涼圖照

娟娟清露冷銀塘花外分明見靚粧試向鷗波亭
上望鴛鴦飛處總成行

蓮花蓮葉總關情並蒂同心過一生料得比肩人
似玉歌來水調盡雙聲

寓巢園主人有平湖之行忽憶嘉慶丁卯偕

海上沈吉雲女士同舟往訪東湖夜半余

已熟寐而吉雲朗吟二語云輝煌鐙燭照
花眠今夕渾疑欲上天余夢中驚醒續云
夢醒不知江月墜濤聲飛到枕函邊翊日
微雨篷窗共眺吉雲吟句云辛苦篙人篔
笠肩濛濛細雨滿江天余又續云與卿好
比成行雁雙宿蘆花淺水邊于是同登弄
珠樓次壁間樓字韻詩時簡田先生適至
亦有和章冉冉已十載矣先生近歸道山
而吉雲亦早下世感而有作仍用前韻吉

繡餘續草

卷四

古

雲詩才敏妙遠出余上小楷雅有董香光
風格其年尙未三旬蘭摧玉折可慨也夫
東湖昔日棹扁舟往事眞同逝水流神女青琴虛
夜月詩人白骨冷荒邱三生夢影迷烟雨十載萍
蹤寄水漚殘稿飄零何忍讀不堪重上弄珠樓
女生徒以扇頭蟋蟀索題爲題二絕

秋陰蟋蟀鬥新涼花下安排小戰場只有歡娛無
警備風流較勝半閒堂

閒調蟋蟀坐芳叢單薄羅衣怯晚風莫向个中爭

勝負卿卿都是可憐蟲

咏猫

客窗岑寂似枯禪
獵獵西風欲雪天
惟有狸奴解人意
薰鑪軟褥共周旋

花磚日暖睡初安
稍得餘腥亦自歡
知道主人書有癖
不教饑鼠損叢殘

雨夜述懷

春半寒猶徧
燈殘夜未央
艱難踈骨肉
衰病客殊方
風雨排愁陣
晨昏墮醉鄉
翩翩雙燕子
來往傍

繡餘續草

卷四

五

雕梁

風光交上已
宿雨釀陰寒
牆角日初上
樹頭花半殘
客衣經幾換
病骨護應難
屢誤尋山約
遊心亦

小闌

花朝泛舟西湖遊淨慈聖因諸寺

遠景青蒼入望迷
水禽拍拍傍人低
春山似黛描剛就
新柳如烟剪未齊
飛閣參差籠夕照
畫船高下泊長堤
遊人指點南屏路
早聽鐘聲度隔谿
帆卸蒼茫落照邊
歸途新月正娟娟
如斯花鳥添

畱戀似與湖山有宿緣好景易生今夕夢癡心待
放再來船料應姊妹紅窗底同語清遊夜不眠

借馮月波過松顛閣有贈

籃輿小駐白雲鄉湖上花應避靚粧半日清言消
我暑一泓秋水浸人涼脩蛾早帶三生慧秀骨宜
薰百和香怪底高堂憐惜甚生來情性最溫良
軒窗瀟灑絕纖塵吹到芝蘭味自親脩竹千竿圍
古寺好山四面擁佳人詩題石壁畱陳跡會預龍
華總宿因記取松顛高閣上一尊同醉玉壺春

繡餘續草

卷四

六

遊理安寺香泉上人出冊索詩卽次原韻

古刹連雲起林深靜掩關窗搖萬个綠松繞四圍

山熱惱片時掃塵勞到此閒夏逢知己話聞友適至坐

久不知還

上方鐘磬寂結夏晝長關佐茗嘗新栗憑軒看好
山烟霞原澹蕩魚鳥自蕭閒落日蒼茫裏清風吹
我還

幽絕隔塵境清遊偶叩關泉香分法雨寺古借青
山熱客全消熱閒雲倍覺閒晚鐘聲動處人去鳥

飛還

松影微茫裏幽居此閉關脩蘿寒掛壁飛閣瘦嵌
山浮世醉難醒高僧夢亦閒分明彼岸在度得幾
人還

汪劍秋茂才以扇索顓次韻

悲秋人向花前老水濶雲深愁浩渺香銷粉墜夜
涼時相伴寒蛩吟到曉

屠琴鳴太守屬顓潛園吟社圖

君是天池鳳飛鳴下九衢掛冠開別墅閉戶學潛

繡餘續草

卷四

七

夫舊邑甘棠滿春風桃李敷壺觴開北海醉遣萬
松扶

湖山清絕地有幸得瞻韓讀畫銷長日吟詩訂古
懂風神清似鶴姓氏馥於蘭未必容高臥蒼生豎
謝安

海棠

穠姿憔悴倚芳叢已是嬌多不耐風枝上幽禽無
賴甚夕陽影裏啄殘紅

虞美人花

當日深宮豔綺羅明妝綽約占春多名花亦抱興
亾感歲歲風前泣楚歌
開時宛似返香魂落處還疑漬淚痕爰漢可憐無
尺土美人姓氏至今存

孤山道中

夢想西湖已廿年遊蹤得到亦前緣人來滄海探
春早花到孤山得氣先暖日烘開三里霧凍雲衝
破一溪烟湖光如鏡山如黛掩映虬枝分外妍

岳墓

繡餘續草

卷四

七

南宋興亾事已空巍巍祠宇仰英風仙鄉兩度飄
蓬過既拜靈山又拜公

孤墳三尺峙烟村碧血千秋今尙存到底不埋家
國恨墓門風雨泣忠魂

謁岳忠武祠恭和

仁宗皇帝御製詩韻

獄成三字太無由難洗當年宰相羞破敵未能酬
素志報恩何暇問私讐月明北地魂難返風撼南
枝恨肯休祠廟煌煌雷

御墨碧天雲淨正清秋

詔下金牌豈自由一人飲恨滿朝羞貪將半壁江山好忘卻平生君父讎刁斗嚴時軍莫撼旌旗捲處局全休黃金白鐵同時鑄憑弔郊原草木秋

雪後天竺道中

凍合西湖水不流衝寒又作雪中遊我來客路霜侵鬢却笑青山也白頭

圖畫天然一幅橫匆匆過眼未分明回頭落日蒼茫際高下樓臺玉琢成

繡餘續草

卷四

九

贈喬姝仙夫人

記得清秋卸客裝庭前金粟正飄香此身好比營巢燕雙宿君家白玉堂

僥倖三生種宿因何期閨閣見斯人仲姬才調曹姑法巾幘鬢眉迴出塵

廉吏風清門第高家貧井臼每親操河東三鳳人爭羨五夜丸熊不憚勞

秦嘉遊學遠離鄉添得中閨一倍忙卅六鴛鴦蓮夜繡小姑要製嫁衣裳

舉案人誇梁孟儕十年琴瑟最和諧
秋來接得泥金報又累紅闈拔寶釵

征衫單薄怯秋涼客裏吳棉早替裝
憐我病餘餐屢廢更勞辛苦製羹湯

温如良玉臭如蘭知己平生報稱難
帶水迢迢勞遠念尺書珍重祝加餐

吳門喬入妹書來言及江西歐陽君

堅賦詩

八絕以歸佩珊人說女仙才八字分冠其

首口占誌之

繡餘續草

卷四

字

歸帆一卸又經時乞米無書久絕炊
難得西江歐

永叔編將姓字入新詩

次外見懷韻

遠書珍重意綢繆似水新詩替浣愁
孤僻任人嘲仲子長貧還自比黔婁
憂無可解惟賒酒瘦不禁寒尙典裘
多感賞音頻索句擁衾唸到五更休
天邊霜月似潮來落葉聲乾下砌苔
兒女情深原是累功名分淺莫論才
苦寒人漸如蟲蟄積久詩還當債催
聽說春光今歲早幾時同探嶺頭梅

西窗旬日話綢繆忽漫江天起別愁三載積
病思仲景十行親札慰黔婁海山待覓千年
藥家事眞同百衲裘爲怯寒威貪伏枕依然
筆墨不能休

越水吳山幾往來故園又長昔時苔便爲海
國雙寒士成就虞山一秀才帶水也知洞湖
易殘年其奈雪霜催雞蟲得失渾無盡且向
溪邊問早梅

繡餘續草

卷四

三

紅雨樓觀桃有懷舊侶

幾番絲雨幾番風釀得天桃分外紅病起尋春春
較晚籃輿扶入萬花中
對花宛轉惜韶華心事無端亂若麻如此濃春偏
獨賞同遊人悵隔天涯

一枝高出粉牆東認得仙源有路通含笑似迎前
度客無言都帶可憐紅
嬌花多恐易摧殘節過清明尙苦寒分付東風休
作惡好畱顏色再來看

十憶詩寄圭齋夫人江右

正是輕寒乍暖時春風吹面動相思憶君羅襪織
織步行過花叢蝶不知
幾陣尖風送嫩涼濛濛沒月下回廊憶君一種天
然致半舊羅衫勝豔妝

恨我生平酒力微相逢滿酌醉忘歸憶君一種詩
書味愛聽樽前玉屑霏
遠勞青鳥到連番風雨瀟瀟白屋寒苦憶荒厨珍
味少盤餐頻餽勸加餐

繡餘續草

卷四

三

花前月底共徘徊憶得逢君懷抱開冰雪聰明蘭
氣息班超有妹果奇才

十分哀毀廢眠餐自失慈闈淚不乾憶得縞衣長
慟處梨花一樹雨中看

蘭閨姊妹列成行憶過君家意味長爲惜將離貪
暫聚經營茶點替安牀

知己深憐范叔貧憶君推解最情真掃眉人帶鬢
肩氣不吝黃金贈故人

脫口脛成絕妙詞笑拈斑管寫新詩憶君天性耽

風雅硯匣隨身不暫離
靜穆圍幃息是非
幾生脩得到青衣
憶君生就和平性
歡喜常多嗔怒稀

春日病中懷圭齋妹

同心睽隔路迢迢
別後相思早晚潮
猶恐離魂消
未盡風風雨雨過
花朝
香徑無人長綠苔
夕陽影裏獨徘徊
韶華九十渾如夢
桃李無言依舊開

長記分題到繡窗
愛君健筆獨能扛
畱將滿篋鴻
繡餘續草

卷四

三

泥在一寸愁心那得降

聽得風前笑語聲
知君歡喜遠相迎
當時只作尋常看
此境重逢要隔生
病骨經年懶下床
聽風聽雨總回腸
欲知別後愁深淺
鏡裏添將滿鬢霜

寄懷牧祥妹浙中

人生聚散本難忘
况值良辰好景光
記得年時湖上住
奚童來往送詩忙
高擎玉腕探驪珠
如此韶華定不孤
料得一春陰

筆健看花憶著故人無

詩篇酒盞興全刪臥病朝朝靜掩關海角陰多春
易老輸君占得好湖山

贈穎川夫人

酸寒骨相近衰年珍重金閨月且傳靜女風神原
秀逸玉人心性本纏綿頻投綺紵慙難報得挹容
儀亦宿緣豈有雙瞳剪秋水荷卿青眼十分憐

譽余未聯
戲及之

枕上作

繡餘續草

卷四

十四

西風蕭瑟欲霜天九月衣裳未製綿一縷新寒欺
病骨半宵苦雨警愁眠胃枯偏懶求靈藥眼澁還
貪近蠹編事到心頭拋不得厨荒漸漸斷炊烟
聽盡風聲又雨聲秋衾如水夢難成關河寥落疎
音間骨肉凋零零隔死生鏡裏自傷容髻改愁邊不
覺歲華更命中磨蝎相隨慣消息何須問子平

觀察潘吾亭先生賜和鄙詞仍用前韻申謝

一聲新雁度寥天
鐙影朦朧思邈綿好句半宵扶
夢讀寒香滿室對花眠儘多清課親刀尺分取流

光入簡編他日青雲如許附不教姓氏化秋烟
沈沈宵柝不聞聲半响含毫句未成嗟我身遭塵
網縛誦公詩覺道心生松身蒼翠能多壽玉性堅
貞永不更一代梅花推賦手翻從鐵石見和平

許玉年孝廉見和拙作再用前韵奉答

籬花憔悴乍寒天茅屋荒涼雨脚綿秋氣黯消魂
一縷病軀渾似柳三眠忽來蓬島青雲客出示神
仙綠玉編半日清言消俗慮縱橫劍氣欲凌烟

八龍美譽振家聲一席名山業早成噓到春風纔

繡餘續草

卷四

三

頃刻照來青眼定前生雲牋快觀珠璣滿月旦新
加氣象更料得他年懸鐵網合教士氣一時平

郡伯陳芝櫨先生賜和鄙詞再用前韵申謝

乍辭玉署下吳天襟帶滄瀛路亘綿竹馬朝迎人
額手花廳夜靜戶安眠鎖闥昔仰冰壺照彩管新
成海運編韋白風流遙繼美香凝燕寢一鑪烟

學吟自愧未諧聲多感名公與玉成自昔交遊聯

四海每從文字憶三生雲牋光燦才雙絕黍谷風
和景一更願附輿歌傳美政陽回葭管樂承平

燦霞寄女以和詩來仍用前韻作答

一種聰明賦自天清於白雪軟於綿詩如浣露花
初放人似臨風柳乍眠刺繡餘閒親翰墨承歡多
半藉詩編瓣香爲祝高堂健長裊金鑪壽字烟
恍聽天邊機杼聲七襄雲錦製初成高山流水慙
同調玉樹瓊葩許寄生風絮吟餘梅有信屠蘇酒
熟歲將更銷寒九九紅窗下簷鶻連朝報太平

附和作

霜落風淒秋暮天最關情處葉纏綿銀鎧光

繡餘續草

卷四

三

冷閒方坐珠箔香殘靜未眠綺思重重畱蘭
紙清言娓娓綴瑤編揮毫珠玉真難並攬勝
齊州九點烟

無端絡緯自聲聲相助愁人夢未成雲際哀
鴻風正緊庭前白草露初生到頭世事滔滔
去彈指年華漸漸更卻喜新吟蘇倦眼一宵
雅頌奏承平

咏雪用前韻

散花仙子下瑤天海水傾來盡化綿裘做多年還

想著衾温無力不成眠
閉門且學袁安臥
索句難同謝女編
此際頽垣茅屋裏
人家幾處未炊烟
寒生肌粟不聞聲
昨夜璇機織練成
大海瘦蛟吹水立
小園枯樹訝花生
愁來稍覺吟情減
老去還驚歲序更
差喜牽蘿容婢嬾
玉塵十斛砌階平

吾亭先生權臬蘇臺適檢篋中賜詩舊稿已

歲館兩遷矣感而有作仍用前韻

翹首卿雲隔遠天
闔城畔草芊綿
柏臺漏盡晨先起
霜簡鐙青夜未眠
早有清風傳逸聽
慙無健

繡餘續草

卷四

七

筆紀新編分明皓月高
懸處照徹吳淞萬井烟
檐前鈴鐸送淒聲
排闥裁詩草草成
瘦蝶依花萼淺夢涼
蟬警露感微生人傷離
別春秋換病怕炎涼
旦暮更斜日捲簾微
雨歇一庭碧草襯階平

白薔薇花

誰向小庭栽
年年滿架開
久將仙露盥
時有妙香來
沒怕胭脂染
清愁粉蝶猜
最宜臨皓魄
與月共

徘徊

顯嘯城黃紉蘭女士詩卷

與君同調最相親我亦無兒老更貧舉案已推高
士偶耽吟還現秀才身語關風化何嫌樸詩到流
傳不過真洗盡人間脂粉習藐姑仙格迴趨塵

答家心庵農部次韻

雨雨風風又送春客窗珍重苦吟身襟懷似水常
能達世事如雲莫認真癖愛湖山容寄傲早辭榮
祿久安貧新詩捧到挑燈讀共訝先生筆有神

高臥東山意若何功名原未筭蹉跎閒嘗新茗邀
僧話笑把新詩對佛哦嗟我謀生常苦拙如公同

續餘續章

卷四

五

調亦無多膝前雙鳳亭亭立會看凌霄健翻摩

再答心庵

笑語歡承一室春客中定省鎮隨身佳兒頭角天
生好老子雌黃未必真太白豪吟猶有興孟光舉
案不言貧會看老圃風光美秋到黃花別有神
虛擲年華柰病何平生事事總蹉跎雨如有約連
朝至詩不求工信口哦陳迹渾隨流水去新愁還
較落花多茫茫苦海憑誰度願乞如來聖手摩

圭齋妹具林下高風擅闈中詠絮情同膠漆

誼等連枝別經兩載夢想爲勞離緒如絲
亂愁若絮爰繪折柳圖以贈并系以詩

相思悵望短長亭幾見飛花撲遠汀只有春來楊
柳樹照人兩眼似君青

每到芳時憶舊遊風光觸目總生愁離情較勝風
前柳只有纏綿無盡頭

鏡中玉貌卷中身彷彿風前笑語親蘋藻辛勤兒
女累可能不減舊丰神

一幅新圖遠寄將迢迢烟水阻河梁白頭人倚東

繡餘續草

卷四

无

風裏一度攀條一斷腸

顯餘生閣集

節並松筠古詩同鮑謝傳蛾眉偏少福皓月不常
圓釵折悲青髻珠沈感盛年餘生無個事細續柏
舟篇

贈許玉年孝廉

青眸一寸剪湘波冰雪胸中孕太和筆自如仙心
是佛平生寶筏濟人多

扶植風騷出至忱春風嘘處散重陰長裘廣廈詩

人志後樂先憂宰相心

七百年來此異才
嗟情半寄水之隈
攜將第一生
花管嗟徧孤山萬樹梅

細分畫品仿司空
豈但丹青奪化工
妙諦統駭文
字海由來萬派一源同

示我清嗟一卷開
銀河滾滾自天來
驅風掣電驚人筆
壓到千秋庾鮑才

甥館會吹兩度簫
人間快婿苦寥寥
風流遠勝周
郎福佳偶閨中有二喬

君兩娶於徐

繡餘續草

卷四

三

題玉年孝廉室比玉徐夫人手繪遺冊

懶拈湘管寫春山
寫出花枝妬玉顏
獨惜芳魂歸
上界采雲一片墮人間

賸粉零脂總惹愁
三生豔影鎮長留
羣芳都仗追
魂筆一縷仙魂招得不

茅檐秋雨散如麻
眼底俄驚爛若霞
惆悵三生緣
尙淺未能識面只看花

閨中銷夏詞十首

紅窗日上破朝眠
草草臨粧鏡檻邊
忽聽鴉鬟簾

外報玉池新放竝頭蓮

蘭闈永晝愛臨池試展雲牋下筆遲一種嬌癡憐
弱妹手攜紈扇索題詩

雞聲喔喔到窗前一枕薰風破午眠小汲井花調
桂露貧家不費買冰錢

紅欄六曲俯銀塘新換慵來浴後粧幾陣瀟瀟疎
雨過撲襟花氣送微涼

湘簾多半上銀鉤露下高梧夜景幽小蹙眉痕憑
畫檻每因見月動閒愁

繡餘續草

卷四

三

吹到炎風入伏時陽烏如炙晝遲遲深閨姊妹停
針線炎茗蕉窗共賭碁

一縷蟾光隙際穿清歌宛轉綺窗前納涼姊妹深
宵坐羅帳低垂獨早眠

泥痕洗盡玉枝枝盃手金盆雪藕時底事玲瓏難
解脫并刀截不斷荷絲

約伴追涼三伏天相攜同上采菱船厨荒正苦無
珍味釣得脩鱗好薦先

雲幕初張翠幄開穿針樓上共徘徊一生守拙無

長技敢向天孫乞巧來

題吳蘋香夫人飲酒讀騷圖

離騷一卷寄幽情樽酒難澆傀儡平烏帽青衫鏗
影裏共看不櫛一書生

換卻紅妝生面開銜杯把卷獨登臺借他一曲湘
江水描出三生小影來

題蒙城張雲裳女士錦槎軒詩稿

虎帳設兵畫漏遲將軍韜畧重當時金闈喜有如
花女筆底風雲更出奇

繡餘續草

卷四

三

耽吟人每倦調妝樂府唵成第幾章一樹玉梅初
吐萼清芬早已壓羣芳

眉如新月筆如花鎮日清唵坐碧紗占斷吳宮山
水秀西湖講席譽昭華

詩係玉年孝廉攜來

展卷唵殘漏盡時慕君還恨識君遲深情一往才
如許細讀璇闈哭婢詩

晚春

啼鴉聲中餞晚春風光又換一番新曇花淺夢悲
身世細雨幽窗憶故人衰病經時親藥餌僻居差

喜遠囂塵榮枯得失皆前定一卷金經了宿因

題葉覺軒山人琵琶聯吟冊次韻

花間薄醉撥鷓絃惹得同儕爭向前皓月一輪更
定後荷香十里雨餘天未曾入調心先契縱不知
音聽也憐共賞新聲聯舊侶莫將幽怨訴當年

新秋

長簾逢秋夜不眠新涼最怕雨餘天
蟄鹽瑣屑經多病門戶零丁偏暮年
境類煮砂難作飯人憐辟穀未成仙
雙雙弱息還依母相對窮愁臥榻前

繡餘續草

卷四

三

典盡衣裳篋笥空驚心最是遇秋風
鏡中髣髴影全消綠池上蓮衣半卸紅
舊夢茫茫難盡記新題草草不求工
白頭猶有同心侶收拾光陰蠹卷中

玲瓏山館冊題詞爲葛秋生明經賦

誰唱黃河遠上詩知音從古屬蛾眉
不輕嬌笑偏多媚生就鍾情莫諱癡
來似行雲常緩緩去同落葉故遲遲
玲瓏山館玲瓏月譜出玲瓏絕妙辭
美人韻致本天生周昉當年貌未成
才子最難除綺語好詩多半寓閒情
偶看荷露盤中轉笑當珍

珠掌上擎一枕蘧蘧仙夢破衣香人影不分明

繡餘續草卷四終

繡餘續草

卷四

三

繡餘續草卷五

琴川歸懋儀佩珊

金補之大令之官豫州畱別同人

外子次
韵同作

癖愛風騷興未闌
凌雲筆健有誰干
廿年月窟高
枝折幾度天門立
馬看冷落家山懷
舊友風流花
縣得儒官關心他
日培桃李贏得名
流爭識韓
宦情淡處別情濃
冉冉流光幾度逢
同調相憐比
笙磬通家交誼似
雲龍閉門老圃空
尋菊放棹秋
江正采蓉從此天
衢馳駿足青山紅
樹路重重

繡餘續草

卷五

一

傳世文章費汰陶
儘拋心力不辭勞
人如古劍鋒
常歛詩比明珠價
自高天女定然工
製錦庖丁爭
許善操刀政成博
得椿庭喜更藉仁
風起鳳毛
專城百里古諸侯
策馬中原賦壯遊
書卷依然存
本色循聲行見動
隣州雲思爲雨徐
徐出水不生
波緩緩流載得新
詩千首富虹光一
路擁仙舟

張氏外孫

桐

遠寄窗課見其文
筆清新綽有

成人架度口占八
十字答之

憶爾垂髫日聰明
早惹憐長途隨阿
母歸省返吳

天夙慧能文字飛騰及少年祇愁相見少我老不
如前

尺書憑雁遞道遠恐沈浮骨肉長年隔關河滿目
愁佳音頻盼望往事怕回頭寄到芸窗課清宵豁
病眸

寄長女寶珠楚中

兄殤弟不育長女當嬌兒遠嫁違千里歸來定幾
時辛勤每念汝老病欲依誰兩妹雖常聚空教益
我悲

繡餘續草

卷五

二

飽歷飄蓬境深諳行路難親知半寥落身世劇辛
酸汝性能敦睦余懷畧放寬翁衰姑又沒努力視
眠餐

爲鄭稼秋司馬顓母夫人曹太淑人摯孝圖
奕葉名門後娥江舊有碑引刀割臂肉和藥奉慈
闈孝婦心如搗衰姑命若絲倉皇難自諱終被侍
兒知

遠遊謀祿養八載客長安子職眞能替親心常喜
歡堂前護萱草庭下灌芳蘭至性通神鬼如斯靈

德難

夫子黃堂貴佳兒司馬賢
今名傳後世純嘏錫從
天金石文章壽家庭忠孝
延披圖深仰止如拜講
帷前

題太原女士倚樓人在月明中圖照

湘簾高捲月當頭
佳偶秦徐共唱酬
想見畫欄人共倚
一聲新雁過妝樓

梅花標格玉精神
冰雪襟懷絕點塵
昨夜月明如潑水
臨風想見倚樓人

繡餘續草

卷五

三

香霧濛濛濕髻鬟
吮人倚畫欄
于獨憐詩骨同
花瘦多恐清宵風露寒

歎嗟人每戀黃昏
月滿中庭靜掩門
夜久一聲長笛起
倚樓人聽也銷魂

七字傳來當寫真
還從句裏見風神
何時一泛清谿棹
寫韻樓頭拜玉人

題梅花雙美圖

紅霞白雪鬥新妝
鼻觀微聞蘭麝香
看到羅浮春色好
人間珠翠總無光

笑攜仙侶下瑤池來賞橫斜竹外枝商畧香奩新
得句玉梅花底立移時

丙戌臘月二十五日 先慈太恭人忌辰感

賦

地慘天愁日回頭六十春

儀五齡失恃今六十一

年矣 傷心懷

大母哀慟過生辰

即是大母生辰也

未識離親

苦惟知索果頻自憐憔悴質當日掌中珍

阿母彌留日

嚴親應試歸傷心終夕話竟作畢

生違靈剩殘詩稿琴存斷玉徽空餘鸞鏡在擲地

繡餘續草

卷五

四

黯無輝

次韻答吳怡庵廣文

經時衰病輒高眠孤負風花雪月天塵世回頭同
一夢靈山不到己三年林泉有主纔能樂瀟酒如
翁卽是仙晚歲杜陵詩律細定知腰腳健於前
頃刻牢愁一掃空半宵仙夢馭天風詩韻素壁篇
篇錦花放瑤池樹樹紅鏡裏蛾眉開巧笑壺中樓
閣奪天工雞聲唱罷晨鐘動身在寒窗紙帳中
丁亥三月二日外子生辰適赴繁昌詩以寄

懷

衰年底事走紅塵大海茫茫試問津三月鶯花繁
客夢孤舟風雨度生辰拈毫曾記同顛壁打漿還
思共采蘋安得薄田營數畝茅檐作箇太平民
客中消息竟如何陌上番風次第過屈指幾時還
梓里計程今日度淮河從來瘠樹開花少自古羈
人失意多手把長鑱獨歸去此翁猶不免悲歌

敬顛守拙老人遺照

公蒙古人備兵江南因聽雲先生一言之托十

年庇之

繡餘續草

卷五

五

翻來遺蹟淚如絲往事從頭仔細思公賦遊仙剛
十載猶能拯我斷炊時

公賜有二百金一摺陸續取用今猶存什之一也

顛趙夫人照

數聲嬌鳥隔花聽日影遲遲度廣庭翻出十眉圖
樣好門他七十二峯青

泛宅吳宮跡已陳感君珍重話前因萍蹤重聚知
何日一臥空山秋復春

顛美人脩竹圖

香霧朦朧濕髻鬟金波冷浸碧琅玕美人自愛居

空谷清佩珊珊翠袖寒

萬重寒碧影娟娟涼透羅衣人未眠只恐天風吹
欲去看來如霧復如烟

尋詩慣愛坐深更香影微茫後月明賺得雜髮無
覓處簪篋裏辨吟聲

爲茵林方伯題重脩滄浪亭冊

一曲滄浪碧玉流中吳童冠紀來遊溪山天借南
園勝觴咏名偕北郭畱異代登臨懷子美百年文
獻緬商邱而今喬木逾蒼秀總爲東南棠蔭稠

繡餘續草

卷五

六

題汪海門蜀棧圖

纔見雲從足底生又看山向馬頭迎茲遊大快平
生志詩好從無一筆平
忘卻崎嶇行路難蒼厓碧澗燈千盤馬蹄得得穿
雲疾特爲奇峯一駐鞍

買牛龔遂政新傳叱馭王尊繼昔賢賴有壯遊供
健筆快看繭紙滿雲烟

越國傳家舊有聲披圖歲月十年更祇今回首褒
斜驛峭壁胸中帆未平

一病

一病俄驚秋復冬，披衣起聽五更鐘。主人默坐添
愁思，婢子垂頭帶倦容。深感故人存問數，劇憐衰
質報章慵。同心侶與佳山水，此境還期夢裏逢。
一窗風雨夜沉沉，夢破挑燈擁被吟。裘敝峭寒偏
易覺，病深薄醉已難禁。殘詩慣向愁邊續，舊事多
從枕上等遙憶。嶺頭梅信早難憑，驛使寄同心。

春朝閨友見訪有作

冰霜叢裏又回春，窗旭朝開景物新。濁酒薄施償
繡餘續草

卷五

七

婢僕瓣香虔藝謝，天神病來常恐爲新鬼。喜極還
能見故人，雞骨自憐扶不起。樂時健足履輕塵

歲暮雜咏

紙窗曙色尙朦朧，試撥薰鑪火尙紅。連日雪飄茅
屋底，一分春逗雨聲中。壘鹽瑣事刪難盡，身世牢
愁洗不空。竟夕藥鑪鐙影裏，殘年光景太匆匆。
歲云暮矣雪霜寒，人過中年感萬端。善病時時求
上藥，耽吟往往廢晨餐。翻來陳跡心如醉，溯到離
情鼻亦酸。淒絕朔風催雁陣，蕭蕭木葉下江干。

許滋漁明經枉和鄙章再用前韻酬之

飄來郢雪破嚴冬縹緲如聞太華鐘
思入風雲原善變氣吞湖海總能容
才人花管言情妙姑射仙姿著色慵
細向寒窗扶病讀高山古調喜初逢

風透疎帷玉漏沉好詩一讀一微吟
寒催朔氣春歸早瘦到梅花冷可禁
渤澥珊瑚還待採蓬瀛鳥

嶼快追尋雲龍上下相勤勉
鑿火雞窗夜夜心外子

時同肄業書院

范愛吾茂才以青梅見餽賦贈

續餘續草

卷五

八

難得詩人蠟屐經一簾微雨晝冥冥
人間已過黃梅節不道傾筐子尙青

陶雲汀中丞五十初度卽用集中丙戌十一

月三十日遊焦山用借廬上人韻自壽八

律元韻

政事文章爾絕稀志存溫飽計原非
東南山水仁風遍松鶴交親道貌肥
曾向懶殘分半芋肯從湘浦戀閒機
綺齡早占瀛洲籍威鳳翩翩捧日飛
不妨華袞伴裝筆可通天似古媧秋水一泓心

作鏡朗雲萬里境無遮雄繁重鎮今爲最治行長
沙昔所誇偶向松寥題妙墨龍蛇飛舞態橫斜
堅持道力足降魔架上青編手自摩

特簡頻傳資外擢名山幾向望中過蜀轎記補魚

鳧闕皖口碑揚忠烈多抵得鱷魚文一紙驪珠擊

出鎮豬婆

元唱曾及豬婆灘故云

回首

溫綸幾度除廿年勛績不勝書功宣轉漕馮夷格

鑒著掄材竹箭餘陳臬方停壺口旆觀風又駐宛

繡餘續草

卷五

九

陵車試看棠蔭家家徧借寇何人願不虛

勤民何必輟清遊疾苦周咨每一畱勸水淮徐踰

柏嶺紆籌渤海渡蓮兜

吳俗謂浜爲兜

當年巨猾曾潛跡

此日澆風又轉頭竹木閒來頻檢點未須弦管爲

銷愁

到眼瘡痍著力醫幹旋意外始稱奇百年創舉酬

宸眷萬里恬波副衆期東道人來欣有主南針

車去更無疑祇今五十平頭日半壁經綸一手支

江天放眼舊時曾振袂親捫百歲藤詩好總成無

上偈官高仍是在家僧南山頌處民齊慶東閣開
時客快登况遇劉樊仙侶雋雲梯同上一層層
祥雲瑞靄筆端縈合與湯陳並令名從古風謠採
興頌未妨瓦缶附鐘聲一時規畫垂諸簡千古勲
庸載在盟早卜熾昌綿奕祺聯將萬戶祝長生

臥病三月辱香輪吳夫人過訪口占以贈

老我衰頹甚沉綿三月中藥鑪煎午夜病骨怕西
風忽荷雲輶降傾心茗椀同桂輪香正滿宿世本
瑤宮

繡餘續草

卷五

十

夫子風雲畧天南萬里馳艱難隻手抵門戶兩家
支柳絮新詞敏丹青古法遺靈心眞四映餘事究
軒岐

交臂恒相失人生一面難及茲欣把晤恨不早言
歡滴露毫摘錦臨風氣郁蘭多應慙地主草草具
盤餐

讀韻樓學驗稿題詞

吳門女子洪德琴著

一卷挑燈讀中宵感復哀早知埋玉驟何苦嘔心
來小住原多事深閨惜此才無多文字在聊以慰

泉臺

示次女慧珠

留怕當前食指繁，竟催汝去我何安。
貧窮倍覺分飛苦，兒女無多割愛難。
早歲得甥情畧慰，暮年無子影長單。
劇憐爾父衰頹甚，老淚縱橫相對看。

顧沈種榆夫人寒鐙課子圖

鏡臺人靜一經橫，夜聽雞到五更。
簾外月高霜滿地，機聲軋軋和吟聲。

石麟頭角本稱奇，畫荻丸熊仰母慈。
兀坐寒窗標

繡餘續草

卷五

十一

句讀儼然嚴父，又名師。

雲汀中丞見儀詩句宏獎有加，并欲延課女。
公子猥以抱恙未赴，謹賦小章呈謝。

隨車甘雨洗輕塵，行部南園正好春。
魚鳥欣欣迎使節，風光初過百花辰。

月漾金波萬頃開，每從河海見雄才。
使君身是中秋柱，直障洪濶千里回。

景勝全憑健筆扛，使君才調更無雙。
好花也解迎旌旆，明月隨人送過江。

豫園桃李久成蹊
騶騎重來認雪泥
揮酒春風一枝筆
湖山佳處徧留題

畧識之乎手一編
苦吟往往類寒蟬
明公竟許開東閣
自喜三生種福緣

何處能求肘後方
感公垂手引慈航
版依倚遂平生
願長拜西天大法王

次雲汀中丞吾園觀鐙紀事八首元韻

如此良宵興若何
魚龍隊隊浴金波
自公采筆標顯後
更較揚州明月多

繡餘續草

卷五

三

喜聽羣黎慶歲亨
風光宜雨又宜晴
開尊對月掀髯笑
長共蒼生樂太平

火樹沿池列作行
莊嚴七寶座中央
華鐙影裏文星現
花木同霑翰墨香

爲重神功補聖媯

園右新建黃婁祠

好教比戶課棉紗

翻新更有丁家樣
不是人間錦上花

萬里帆檣景象恢
臨高憑眺首頻回
金鐙影裏歡聲沸
知是民情愛戴來

鐙光月影互相差
剪紙玲瓏門色絳
日有新詩傳

勝事不須絃索譜龜茲

碧桃千樹夾溪濱魚鳥相隨意自親
忽吐長虹光萬丈戲鴻書法嬾煎人

正是吳淞奏續時勸人樽酒有花枝
祇愁紅旆匆匆甚又送仙舟返劍池

奉題雲汀中丞皖城大觀圖照次韻

皖城開府雄吳楚山枕高塘曲扣龍
千里巖疆作舟楫半江秋水采芙蓉
蒼烟莫辨襄陽戍暝色遙傳建業鐘
談笑雍容資坐鎮一時草偃樂風從

繡餘續草

卷五

三

濛濛雲氣生峯頂浩浩江流擁臥龍
此日山靈迎節鉞當年人鏡採芙蓉
鴻名早勒千尋壁高唱如聞萬石鐘
遠樹蒼茫帆影外使君憑眺衆賓從

又次自題七絕元韻

紅亭恰對翠峩峩旌蓋來時照碧波
文采風流今似昔一生遇合勝東坡

奉題雲汀中丞采石登樓圖照次韻

景星煜煜臨斯土虹采輝輝起一樓
帝重巖疆資擘畫人從曠代接風流
永邀采石磯

頭月去剪澄江水面秋更喜時平息征戰萬家鐘
火繞蘆洲

拄笏臨江登采石天呼月上高樓心懷文字三
生契目送澄波萬里流危檻捫星清夜永餘霞散
綺碧山秋畫圖勒石畱遺愛種得甘棠滿荻洲

陳梅岑先生倉山高弟今日歸然爲魯靈光

蒙顯倚竹小影敬賦五言二律申謝

靈光崇九旬清話備

三朝永憶倉山叟風流未覺遙顯詩徧湖海結伴

繡餘續草

卷五

古

渺松喬就養官齋樂瓊枝格並超

時就養哲嗣通
州少府官舍

茅屋秋風景多蒙珠玉顯殷勤勞哲匠甄拔到中

閨辭足追陶謝人還侶阮嵇江頭避擊汰何日訪

丹梯

贈浚筠張夫人

綠窗人靜一編開甲乙丹黃細勘來自愧酸吟同

絡緯婦娥偏不棄凡材

翠袖亭亭倚暮寒庭前湘竹淚沈瀾恍君早歲歌

黃鶻扶病吟來鼻亦酸

佳兒習禮又明詩教育辛勤賴母慈
卻笑冬烘迂
太甚公然南面作經師

胡眉亭山人以移居映水樓詩見示次韻

飲罷天漿帶醉還手搥玉麈下人寰
鐘鳴鼎食公
侯貴那及神仙一字閒

眼前風月浩難量不是花笳卽柳笳
日向水晶宮
裏坐詩成都帶妙蓮香

葉牽翠苻無邊碧花襯明霞分外紅
水閣晝長簾
盡捲憑欄人在鏡屏中

繡餘續草

卷五

五

月明風細雨餘天池面平鋪萬朵蓮
金谷鞦韆川成
底事笑他枉費買山錢

顯程母戴節婦傳後

便死終無益存心兩未安
立孤綿厥後忍淚博親
歡節孝昭千古艱辛歷萬端
彌留垂片語讀罷鼻
猶酸

奉次芝樵先生上已前一日南園卽事詩元

韻

朱甕碧瓦麗層霄路傍城南半里遙
楊柳風微宜

入畫魚鱗浪細欲通潮雲山似障非臨水蜂蝶隨
人飛過橋聽說愛才當代少欣欣爭走使君招
桃花如笑柳初眠鷓鴣咏怡情緬古賢選勝又逢脩
楔節采風剛值快晴天和光四照心同佛麗藻紛
披句欲仙會待青青梅子熟謂羹更上慶雲巔

顛顏崑谷別駕江邨垂釣圖照

清福無過一字閒本來胸次海天寬紅塵熱惱知
多少莫怪先生戀釣灘

釣灘風味竟如何山自青青水不波別有經綸歸

繡餘續草

卷五

六

掌握臨淵豈羨得魚多

輕衫稱體勝羊裘目送飛花上釣鉤行客往來頻
指點逃名誤認子陵流

漁弟樵兒莫浪猜濟昨懷抱出羣才誰知紅蓼灘
頭客多少公卿倒屣來

范今雨明府枉過草堂荷顛倚竹小影次韻

多感憐才一寸心桃花潭水比清深何期垂虎茅
檐下快聽天邊鸞鳳吟

出塵懷抱濟人心句自纏綿意自深崇信匆匆催

畫槩拈髭猶是對花吟

殘春風雨警愁心
釀得膏肓漸漸深
涼泊不禁身世感
夜長還對一絳吟

睂亭山人以詩訊疾次韻

病到春歸尙擁衾
五更還怕曉寒侵
多君珍重裁新句
露盥香薰仔細吟

斟暖量寒幾換衾
詩魔還被病魔侵
硯田活計年來慣
累重壘盪雜苦吟

嫩涼漸漸透重衾
夢破幽窗月色侵
抱得蒼茫身

繡餘續草

卷五

三

世感遺愁無計托微吟

用韻有懷圭齋

驚看樹底綻山榴
往事眞同逝水流
沉節屈天中海角
可能飛夢到瓊樓

寄呈芝楣先生吳門

捧得仙雲出玉堂
七襄雲錦爛生光
慙無鏤雪裁

冰句難副東風第一香

時以梅花卷子命韻

清和時節送蘭橈
屈指流光三月遙
得爰歛消

卻疾新詞一卷遣昏朝

地當衝要稱長才管領湖山生面開
念南園花月夜幾多魚鳥盼公來

五色蝴蝶和韻

青陽初轉見來稀忽訝林間一葉飛
拾翠踏女袖采藍新染侍兒衣
春疇花細衝鬢瘦瑣

深側翅肥香逕未迷河畔草萼芳時
向柳梢歸

蝶

黃金散盡菜花稀猶傍芳畦貼貼飛
郵裏來時分菜色枝頭捎去誤
金衣穿從百徑魂初定舞入秋

繡餘續草

林體不肥勝似蜜房諸伴侶
社營花事不曾歸

蝶

赤闌干外見依稀誰剪朝霞片片飛
木芍枝頭酣繞夢石榭花底餒侵衣
自篋香豔臙脂濕不愛清酸梅子肥
一抹紅妝芳草路夕陽影裏逐塵歸

蝶

白粉墻低風信稀老雨時見一痕飛
亂飄柳絮難尋跡細舞梨花不觸衣
夢裏仙姝全約素眼前公子笑輕肥
南園草綠香塵暖執扇頻前晚未歸

白

蝶

黑甜鄉裏世情稀
栩栩誰教兩腋飛
夢真看園是
漆探花偏仗鐵
爲衣沙堤影拂烏紗貴
妝開香憐鴉鬢肥
欲繼元嬰製發豈爲君寫照
早言歸黑

讀雅卿姪鏡花樓吟草

蘭閨傳好句
冰雪鬪清思
小叔三春病
長城五字詩
愁生疎雨夜
吟困夕陽時
細把君心剝
誰言屬

和遲

繡餘續草

繡餘續草卷五終

